

天門

山 260137
32
1~8



續修 縣志序



康熙二十有二年歲次甲子
今天子治定功成延

勅禮部察催各省通志以備纂修
大清一統志煌哉甚盛典也是時
楚志繼豫陝而進而不佞永

序一

蒞景已四年於茲爰檢邑志
踏駁蕪穢欲加修治未遑也
宋真宗朝詔括諸道圖經止
得海鹽一志當茲文物大備
之時有所纂修毋庸固陋否
則寧闕焉可也夫王言有紀

起居有注政事有載藏諸金
匱以備乙覽尊謂國史諸禁
近侍幾於左徵之臣任其
職他曹不與也其中山川形
勝土田賦役物產人文分星
野別清濁辨貞淫編圖彙類

序二

謂之志省得而修之郡與州
縣亦得而分修之其詳略互
異要之輶軒之使採風問俗
俾就此有稽焉亦不可視為
不急之務也雖然難言矣江
文通有言曰修史之難無出

於志河汾亦云遷固之失紀
繁而志寡然則前此無志歟
曰十五國之風載之備矣考
其詠歌國地山川封域圖牒
鳥獸艸木魚蟲之名與其風
俗善惡方言訓故盛衰美刺

序三

之由今之志有能詳於此者
乎詩亡而後春秋作先聖蚤
已續之矣至若編年變爲紀
傳國風變爲圖志斯時代之
貿遷名雖異而事則同後之
相沿而作者不能不仿其體

而不可不溯其源庶不致令
離而愈遠矣景之治爲州爲
鎮爲衛爲縣沿革不一而一
邑之內山川形勝土田賦役
物產人文咸彬彬可考欲續
而修之整齊其躋駁芟理其

序四

蕪穢顧簿領之餘鞭長莫及
於是商略凡例若干條屬戴
子祁次第而加讐焉視其重
且大者先之有關於政化者
詳之時至事起者續之無係
有無得失者刊落之輕重有

序體制不紊雖不侔於丹鉛
之南詔青藤之越州抑亦可
以成書矣學校爲教化之首
田賦爲民生之基詳之慎之
弗敢後也城郭倉庾隄防驛
站津渡爲官守之責詳之慎

序五

之弗敢遺也他如星占災祥
山川古蹟祀典封建佛宮道
院人物藝文固不宜挂漏而
蒐羅往籍詢咨方隅可紀則
紀可載則載何多求焉然而
蒼藂其事挾漭其詞蓋不啻

三伐毛而三洗髓也續云
哉余因之有感矣永之蒞景
蒙

今上特恩改授其始至也勞來還
定安集之不暇旣而生息之
又久而休養之宜膏布澤視
序天

雨露之無私鑿井耕田忘帝
力於何有飲水茹藥荏苒蹉
跎余亦不自覺留滯茲土遂
至十有三年之久也嗟日月
之易邁憐齒髮之蚤衰仰愧
無以荅

君恩頰或可以告無罪於羣黎故
於是書之成反覆低回而不
能已云


肯

康熙三十一年歲次壬申春月之

吉

序七

長吏錢永撰



署事李侯重修縣誌序

今之邑乘猶古之國史也古者太史各以其國之風
上陳於天子天子得考其貞淫奢儉而殿最之是以
侯度謹而民俗美秦變封建爲郡縣而此義遂廢然
史稱漢興蕭何收關中圖籍乃知祖龍雖焚書而輿
圖版籍尚存也自漢而後凡郡邑皆有誌其記載則
如晉乘其垂戒則如楚檣杙其備天子之觀風問俗
守令之功罪賞罰則又如詩如春秋故曰今之邑乘
猶古之國史也然又謂之誌者何蓋誌有二義誌識

縣志

卷之一

李序

一

也方識是事而已分野形勝欲其悉也建置沿革欲
其詳也山川土田欲其該也人民戶口欲其周也學
校人物欲其傳也物產賦役欲其覈也人心風俗欲
其考也抑又志也正其心之所之也悉形勝則志捍
禦詳沿革則志張弛該土田則志墾闢周戶口則志
生聚傳人物則志栽培覈賦役則志度支矜風俗則
志表正是故有識記之精而後行心志之正管子之
作內政國僑之鑄刑書博洽亦可以致治非心志之
正無徒貴識記之精公孫龍之滅三耳司馬相如之

城上林虛文無裨於實川也 上古風氏之墟

春秋為邳地在戰國為竟陵而今之邑名則自石晉

如昔固無誌附見沔陽誌中景陵而有誌自姜公綰

助也嗣是因河決而補修者一因舛訛而校正者一

茲又因勝國離亂

大清定鼎以前邑城屢被兵燹版籍未免殘缺 督撫

憲念此典乃通省風化所係爰命 藩學 憲身體力行

以昭一代之興隆以成千古之盛事於是檄諭 本

府查修 本府仰體 各憲美意多方蒐緝命邑庠

縣志 卷之一 李序 二

吳泰重加訂正閱二載而誌成將付剞劂適余視篆

因徵序於余余自分無二酉之學忝三都之賦而義

又不可辭遂舉誌之二義告之蓋吾儒讀書懷古無

不以匡濟民物為志第一登仕籍遂易初心拚鸞鳳

而效鷹鷂急繭絲而忽保障即日取邑乘而披閱之

無式版之懷而反以為奇貨可居其亦非父母斯民

之志也夫矧景邑人丁困憊凋殘何堪此視民如越

人肥瘦之輩任意摧折哉故自委署以來小心敬慎

雖乏龔黃召杜之才而竊慕龔黃召杜之心亦云有

志而未逮耳聞嘗於退食之暇展閱斯誌卽思形
何以捍禦沿革何以張弛土田何以墾闢戶口何以
生聚人物何以栽培賦役何以度支風俗何以表正
未嘗敢以五日京兆而有遑恤我後之意不揣鈇刀
之割而輒思自効於盤錯者無他誠見匡濟民物者
司牧之志卽闔邑紳衿士民望司牧者之志抑亦
聖天子設官分職之志也則余今日者亦惟是以不
負已志者期無負薦紳士民之志並無上負

聖天子之志云爾如云方識是事而已則存乎精於
考稽詳於辨博具子長孟堅之手筆抒太冲平子之
著作以邑乘而同國史上佐

縣志

卷之一

李序

三

聖朝觀風問俗之治者徵吳子泰其誰與歸誌凡十
卷八十條綱舉目張吳子之纂修備矣余又奚容以
覆瓿而取僖父之誚耶雖然余因之有感焉夫索米
立傳求賄曲筆古今所通慨每見郡邑志中或浮詞
以獻諛當道或過情以取媚巨室者比比皆是幾何
不與穢史同譏若夫言歡則字與笑並言感則聲共
泣偕寧簡毋煩寧嚴毋濫用筆如化工肖物無愧古

人之信史者是又所望於吳子矣是爲序時
康熙七年歲次戊申孟春日署縣事洮陽李馨書

縣志

卷之一

序

邑任侯修誌序

夫志也者記事之書也朝有寔錄郡邑有志家
籍其義一也試觀之家田產土段租稅出納朝夕
殫賓客往來伏臘祭享莫不有錄以記之爲家叔
按籍而考其成假令紀數不清則天竟沒而出漏卮
惡用是掌故者爲哉景 故無志附於河陽志中弘
治年邑侯姜公縮修縣志距今將二百年風俗淳漓
陵谷變遷不無滄海桑田之異及世宗朝邑侯丘君
宜重修又聞以大水嚙城印板爲河伯取去且字跡

縣志

卷之一

游序

一

鵠笑不可讀恭遇我侯任公以名進士先宰春陵未
及暮而邑稱治主上嘉其能美調 又未暮而吏
治民安乃於公餘之暇披閱縣志見其脫漏命予重
修於是上稽往牒下採時論自冬徂夏半載告成是
故帝王迭興更姓豈物無窮立法時易 殊志 革
統元氣地統元形三垣九野纏度分明志是野天
有顯道爰以象示休徵咎徵如響應聲志祥異寓縣
之廣形如錯繡彼疆此界各有分土志疆域建邦啟
上山川出田守在四境封山奠川志山川美哉山河

日案盛蘋藻對越在天駿奔在廟志祭儀
敦瓶鬲彝必備必親神如在斯志祭器鐘鼓管籥
磬祝圉琴瑟埙箎簫一不舉志樂器左手執籥右手
秉翟式歌且舞神之格思志樂舞飲以明讓射以觀
德無樨無敖其儀不忒志飲射兩備濟濟講道論業
馬帳春風程門立雪志學規桑梓非暖松桂非寒于
以代耕苜蓿闌干志餼廩膏腴賦畝養士食貧婚嫁
喪葬衣襦米薪志學田蒙以養正聖功伊始問巷有
塾耑蒙可啓志義學文事武備不可闕一克詰戎兵

縣志

卷之一

游序

三

用戒不虞志兵防旣富而教有勇知方風移俗易薰
德善良志風俗二氏之教雖曰異端羽翼風教亦有
小補志寺觀雍門知哀牛山飲泣贊愚共盡千古同
悲志墳墓英賢彙征虎榜策名爰立坊扁芳聲四聞
志坊扁選勝尋幽遐登遠眺嘲月吟風壺觴寄傲志
勝槩朝廷建官各有分職上下相維如臂使指志秩
官才稱製錦政羨烹鮮金口木舌贊名並傳志名宦
山川靈淑篤生俊英廟廊巖穴今古齊聲志知賢公
軍射策金門通籍爾公爾卿共獎王室志進士鄉舉

里選賢良孝廉無負嘉名一飛冲天志鄉舉賓興
薦繻辟徵召南金東箭貫於玉庭志歲貢譽髦俊異
席珍待聘肄業成均恩同選士志列貢監宗開國克
咸厥功山河帶礪爰及苗裔志武胄純以千貴榮所
自出生有顯封沒有贈卹志封贈子以事親臣以忠
君婦以從夫三綱克正志貞孝琬琰琳瑯累累金石
傳信千秋不磨不泐志紀傳郢中之曲流爲詠歌陽
春白雪調高寡和志詩詞凡爲卷者六爲旨者五十
條分縷析判如列眉俾公餘之暇一披閱之洞若觀

縣志

卷之一

游序

四

火然豈敢附於著作之林亦曰聊當簿籍以待家督
之考其成耳第恐見聞有限未免漏舛所賴倘其
固陋補其闕畧不無望於後之君子

天啓六年閏六月望日

教諭江長游文聚譔

邑丘侯修誌自序

古者列國必有史今之縣邑猶古子男之國也而志
中史之流也宜去秋蒞邑稽故考罔喟然歎曰文獻
無徵何此邦之曠典耶時方急民瘼蠲宿弊蓋有志
於誌而未之逮者彌一載茲冬退食稍有餘閒廼訪
舊志於遺逸參州志之因革沿文竊義分割就編天
而於子而辰宿列故志星野地關於丑而流峙形故
志山川人生於寅而氣習殊故志風俗三才旣判王
制事與故次建置次城堤次署宇次學校次祀戎次

縣志

卷之一

丘序

一

政籍治法亦云備矣有治法必有治人故秩官繼之
有治人必有治化故人物繼之人文旣盛則吾道明
而異端歸故寺觀終焉而災祥勝景古蹟村里封域
司道倉院驛鎮舖坊社塾書舍廟祠壇局戶口田賦
貢課郵役土產守令丞簿典教科貢薦辟監武掾散
封贈名宦鄉賢孝節隱逸各以其類相附如綱舉而
目張領揭而衣具雖不敢裔流古史庶幾備考稽昭
曠典而觀風采俗不病於文獻之無徵也然歷時未
久而採訪未周則掛一漏萬豈或不免知我罪我

縣志目錄

知縣事錢 永續修 儒學論蔡壽生參補

也人戴 祁編次

金集

卷之一

舊序 姓氏 凡例 地圖

建置志

沿革

卷之二

縣志

卷之一

星占志

分野 災祥

石集

卷之三

輿地志

形勝 道里 坊村 山川

卷之四

城圍志

城郭 縣治 官宇 倉廩 隄防